



● EDITORIAL ● RÂL VÊNGTU ● CHHÛNGKAW CHANCHIN

✦ Synod sum dinhmun thar (Hmuhna lam khaihâwmna)
✦ PCI Thurin chungchânga inrâwn khâwmna
✦ Kohhran Hmeichhe Inkhâwmpui Lian wawi 46-na

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

SYNOD *Newsletter*

Volume XXIX

No. 379

E-mail : synodnews@gmail.com

APRIL, 2015

KARBI ANGLONG PRESBYTERIAN CHURCH SYNOD HAWN A NI TA

- ❖ *India ram Presbyterian Kohhran (PCI) hnuaiia Synod pakuana a ni.*
- ❖ *Karbi mipuiin an ngai hlu hle a, a hawnaah Pathian hnathawh ropui a lang.*

- Rev. Dr. Lalmangaiha
Assembly Officer, PCKAGAAA

Karbi Anglong-a Presbyterian Kohhran chu kum 10 chhûng lai PCI Administrative Area-a a awm hnuah March 29, 2015 khân Rongkimi Presbyterian Kohhran, Diphu (Karbi Anglong)-ah Synod hranga awm tûrin hawn a ni ta. Karbi Anglong-ah hian Mizoram Synod Mission Board-in kum 1989 aţang khân Mission Field a hawng a, Field Secretary paruk an awm tawh a. Kohhran puitling pawh 45 lai awmin Dân zawh kim 3,926 an awm a, member zawng zawng 6,786 an ni. Pastor Bial pariat a awm a, Presbytery pakhat-ah an awm mêk. Karbi Anglong Presbyterian Church (KAPC) hming an pu a, Missionary leh a ram mi thawktu an vaiin 133 an awm.

Mizoram Synod hnuaiia mi ni lo, KJP hnuaiia awm thîn Presbyterian Kohhrante enkawl tûrin kum 2006 aţang khân PCI General Assembly chuan a aiawha thawktu atân Assembly Officer a dah ţan a. Assembly Officer hmasa ber chu Rev. J.L.Mawlong (KJP Synod Mihngi) a ni a, ani hi Rev.V.L.Zaithangan a thlâk a, kum nga hnuah Rev. Dr. Lalmangaihan a thlâk ve leh a. PCI General Assembly hnuaiia Presbyterian Kohhrante hi 'PCKAGAAA' tia sawi thîn a ni (Presbyterian Church Karbi Anglong General Assembly Administrative Area). Chhûng kohhrante chu KJP Synod hnuaiia hun rei tak an awm a, kohhran thênkhat chu kum za chuanga upate an ni nawk a, Mizorama Chanchin Ţha a luh kum 1894-a din tawhte an ni. Kum 1960 aţangin Presbytery a ding ţan a, 'Mikir Hills Presbytery' tih a ni a, KJP Synod hnuaiia Presbytery pakhat a ni. Tûnah erawh chuan Presbytery pali a awm tawh a, Kohhran 61 a awm a, member 13,145 an awm a, Pastor Bial 12 a awm.

A chung a sawi tâk Kohhran pahnih (PCKAGAAA leh KAPC) te hian lungruwal takin inzawm khâwmna Synod anga din an duh a. Chu chu tihlawhtlingin PCI chuan Synod hrangah a siam ta a ni. March 28 (Inrinni zân)-ah inkhâwm hmasa ber ţan a ni a, Rev. Dr. Lalmangaihan Welcome Address a sawi a, Rev. Dr. S.I. Iawphniew-an thuchah a sawi a, zaipâwl panga an zai bawk.

A tûk Pathianni (29.3.2015) chawhma dâr 10:30-ah Synod hawn a ni a. Karbi Anglong Presbyterian Church Synod (KAPCS) hawn ni hian PCI General Assembly hotute an kim vek a, chu bâkah Synod hrang hrang aţangin hotute an lo tel Ţha hle bawk a. PCI sâwm angin Mizoram Synod Choir leh KJP Synod Mihngi Choir te an lo tel thei a. Chu bâkah Aizâwl Electric Vêng Presbyterian Kohhran Zaipâwl (Member 64) an lo kal thei bawk a. Karbi Anglong aţangin PCKAGAAA Choir leh KAPC Choir an zai bawk. March 29, 2015 (Sunday) chawhma inkhâwm-ah Synod thar hawn a ni a. Hetah hian Zaipâwl zawng zawngten 'Halleluia Chorus' an han sa ho chu a ropui tak zet a ni. PCI Moderator Rev.D.C.Haia Darnei-in Synod chu a hawng a. Hawn hma chiah hian KAPC leh PCKAGAAA aiawh mi pahnih ve veten inzawm

khâwm an duh thu leh thawh ho zêl an duh thu mipui hmaah Karbi Ţawng leh English-in an sawi rual a, Moderator-in Synod a hawng nghâl a, mipuiin dingin an hriatpui a. Chumi hnuah Monument a hawng leh a, thuchah a sawi nghâl bawk. He inkhâwmah hian mi 2,500 vêl beisei a nih laiin mi 4,000 vêl lai an kal khâwm a. Synod thar lawmna ruai buatsaih a ni a, beisei aia tam daih mipui an lo kal avângin chaw chang lo pawh an awm nual a ni!

Pathianni chawhnu inkhâwmah (2:30 p.m.) pawh mipui an tam hle a, Zaipâwl panga laiin hla mawi takin an rem leh a. PCI Treasurer Rev. W.C. Khongwir-an thuchah Ţha tak a sawi a. Zân inkhâwm chu 7:00 p.m-ah neih a ni a. Hetah hian thuchah sawitu chu Rev. V.L. Zaithanga a ni. Ani hi Madhya Pradesh aţangin a lo kal vang vang a, a lâwmawm hle. Zân inkhâwm bânah Fellowship leh Cultural Programme hman zui a ni a. Hetah hian Electric Vêng Zaipâwl-in Cheraw lâm an entîr a. Karbi thalaiten Karbi Traditional dance chi hnih an entîr a, Kuki-ho (Diphu Presbyterian Church) thalaiten an lâm mawi takin an entîr bawk. Solo wawi li leh fak lâm (worship dance) te pawh a tel bawk. Zân dâr 11:00 p.m. vêlah programme chu kham lo takin a tâwp ta a ni.

Synod hawna hmun hi Rongkimi Presbyterian Church compound-ah a ni a. Rongkimi Kohhran hi in 56 chauh an ni a, chavângin mikhual pawh an thleng tam hlawm hle a, mikhual 20 thleng an kat nuk mai. Pandal lian takin an sa a; mahse, mipui kal khâwm a dawng zo lo hle a, kalkawng leh mi inchunga thutna rem ta mai pawh an tam mai. Hetianga ropui hian Diphu-ah Kristianho an kal khâwm khât a, chavângin mi sawi huai huai a tling. Ni tin chanchinbu lam pawhin an chhuah chuai chuai reng bawk.

Pathian hruaina a ropui hle a. Khawlum lutuk leh vaivut khu lutuk tûr dan nân Pathianin mikhual thlen niah ruah a surtir a, Programme pawimawh neih ni leh a pandal thiah niah khua a Ţha thung a, a ni thumnaah ruah a surtir leh a, chu bâkah Karbi rama 'Bandh' awm zing lutuk thîn pawh a awm loh lai tak a ni bawk a, chung lam thuneihna a taka lo lang ngei a nih avângin Pathian chungah lâwmthu an sawi châmchi a ni.

Lalpa chu fak in awm rawh se.

SYNOD Newsletter**EDITORIAL STAFF**

Rev. K. Lalpiangthara (LPT)
 Rev. Thangzauva (TZ)
 Upa H. Ronghaka (HR)
 Upa Khawlungnunga (KCN)

Editorial 

Mihring hian chanchin tha lam leh tha lo lam kan nei deuh vek a. Chuti chung chuan mi chanchin kan hriatah pawh hian a tha lam aiin a tha lo lam hi kan sawi chak leh kan sawi tam a ni fo thin. Ramin hma a sawn a, inbiak pawhna tha tak tak kan nei tak hlawm avangin pa taptawm tak takte tan pawh ngaih dan sawi chhuahna remchhang tak tak - Fakselna, SMS, Facebook, WhatsApp leh a dangte pawh kan nei ta hlawm a; chanchinbu lah ni tin chhuak te, kar tin chhuak te leh thla tin chhuak te kan nei ta nuk baw k a; a lawmawm viau rualin thenkhat hi chu kan kam a tam ta lu deuh em aw! A sawi leh a ziah lamahte pawh ngawih theih deuh kan zir tan a tul ta hle niin a lang.

Pathian mit hmuha mi dik, mi rinawm leh thianglim tak takte hi chuan huai tak taka thu sawiin duh thu lo sam pawh ni se a awm thei zel a. Chanchin ngaihnawm nei bik lo tak tak, chhui chian daw lo tur ve tak takin mi dang kan sawisel ve vak vak thin hi chu bansan daih chi a ni. Mi sawichhe tawn tawntute pawh hi sawichhiat tlak lek kan ni ve thei a ni tih kan inhriat a pawimawh khawp mai. Thufingin, "Mi a pawh a ngawih reng chuan mi finga chhiar a ni a, a hmu a chip chuan mi remhriaa ngaih a ni," a tih hi kan zir thar leh a tul ta hlein a lang.

MIZO BIBLE DICTIONARY

Synod Literature & Publication Board (SL&PB)-in lekhahu chhuah tur Project-a a neih, kum 10 vel lai kal ta atanga bul lo tan tawh **Mizo Bible Dictionary** chu May 6, 2015 chawnu dar 2:00 khian Synod Conference Centre, Aizawl-ah tlangzarth tum a ni. A man ₹ 500-600 inkar tura beisei a ni a, Kohhran Library-a awm ngei tur, Kohhrana rawngbawltu tan lekhahu tangkai tak, mahni ina kaw atana lei chi tak a ni. Lo ngaihven ve teh u.

RAM PUM HUAP TAWNGTAI RUAL

Synod Executive Committee vawi 25:62-in Kristiante ne chepna lo hluar zel chungchanga ram pum huap tawngtai rual hman a lo rel angin April 4, 2015 (Inrinni) zana Kohhran tinah he hun hi hman a ni a, India leh khawvel hmun danga Kristiante nek chep an nih dan tlangpui leh tawngtai rual thupui (thu ziak) siam a ni,

SYNOD SUM DINHMUN THAR

Hmuhna lam khaihwmna
 1st April, 2014 - 31st March, 2015

2014-2015 DINHMUN				
Budget Head	2014-2015 Budget	2014-2015 Hmuh zawng zawng	Budget khuma/ phak lohna	Budget khuma/ phak lohna percent
Pastoral	88,32,16,000	85,79,45,368	-2,52,70,632	-2.86
Mission	65,45,77,000	66,55,25,164	1,09,48,164	1.67
Total	1,53,77,93,000	1,52,34,70,532	-1,43,22,468	-0.93
KUM HMASA NENA KHAIKHINNA				
	Nikum 2013-2014-a hmuh zawng zawng	Nikum hmuh khuma	Nikum khuma percent	
Pastoral	73,54,94,210	12,24,51,158	16.65	
Mission	59,43,42,559	7,11,82,605	11.98	
Total	1,32,98,36,769	19,36,33,763	14.56	

MEITEI PROVISIONAL SYNOD HAWN A NI DAWN TA

Presbyterian Church of India Biennial General Assembly vawi 14-na, May 2014-a Laitumkhrah Kohhrana hmanah Meitei Provisional Synod hawn remtih a nih angin PCI Executive Committee chuan Working Committee a siam a, chu Committee chuan Meitei Presbyterian Singlup Provisional Synod chu April 19, 2015 hian Moirang Mission Compound, Moirang, Manipur-a hawn turin ruahmanna a siam. Mizoram Synod aiawha a hawnnaa kal turin heng mite hi a ruat -

1. Rev. B. Sangthanga, *Synod Secretary*
2. Rev. PC Pachhanga, *Executive Secretary i/c SMB, etc.*
3. Rev. Lalthankhuma, *Nursery Veng, Aizawl*
4. Pu K. Ronghaka, *Mission Promoter, SMB*

RI HRIATNA LEH TAWNG LAMA HARSATNA NEITE ENKAWLNA

Synod Hospital, Durtlang chuan ENT Department-ah hmasawna a nei thar leh ta. R. Lalhmachhuani, Audiologist - Ri hriatna leh tawng lama harsatna enkawlna lama mi thiam chuan ni 23.3.2015 atangin hna a zawm thar a. Beng leh tawng lama harsatna nei, a bikin ri hriatna tha lo test ngai tan pan theih niin ni tin OPD-ah inentir theih a ni.

D.D. LEH D.TH THAR

Senate of Serampore College (University) Convocation, Orthodox Seminary, Kottayam, Kerala-a February 7, 2015-a neih chuan Rev. C. Vanlalhruaia chu Doctor of Divinity (D.D.) *Honoris Causa* a pe a; Rev. L.H. Rawsea, Aizawl Theological College Lecturer-in Doctor of Theology (D.Th.) a dawng baw k.

YRC HNATLANG

March 7 & 14, 2015 khin Youth Recreation Centre hmun Falkland-a Gilead Special School thiah leh bungraw thiarin KTP Branch hrang hrang hnatlang koh a ni a. Gilead Special School hi Bawngkawn Brigade-a an sikul hmun tharah sawn fel a ni ta baw k. He hnatlangah hian member 565 zet an thaw kchhuak a ni.

RAM PUM HUAP PAVALAI PAWL MEET VAWI HNIHNA

- A hun : May 15-17, 2015
 A hmun : Khatla Presbyterian Kohhran Biak In
 Thupui : Krista tana nun (Phil 1:21)
 Speakers : (1) Rev. Lalrinmawia, Synod Moderator
 (2) Upa H. Zoliana, Ramhlun
 (3) Rev. Lalsangbera, Vaivakawn
 (4) Rev. R. Lalchangliana, Director, Synod Revival
 (5) Upa Vanlalngaia, Khatla 'E'
 (6) Rev. Lazuithanga, Sr Executive Secretary
 Secretaries : (1) Rev. R. Lalchangliana, Director, Synod Revival
 (2) Upa C. Lalmuankima, Mission Veng, Aizawl

Râl Vêngtu

An khaw paho vêng hrang hranga mite chu pâwl tlem tê tlein Râl Vêngtu vên bûkah chuan an in lên chhâwk zut mai a. Pâwl dang aia an pâwl tha zâwka an insawi theuh avâng chuan Râl Vêngtu tân pawh a ngaihna hriat a har hlê a. A rilruah chuan 'sakeibaknei leh bawngpa pathum chanchin' a lo lang ta a; a thusawi ngaihthla tûrin a ina kalhote zawng zawng chu a sâwm khâwm a.

Râl Vêngtu chuan, "Sakeibaknei hian bawngpa pathum lungual taka tla ho dial dial hi seh a tum a; mahse, bawngpa pathum chuan sakeibaknei chu an beihrawn ta thîn a, a hneh thei ngai hauh lo mai a. Ngun taka a inngaihtuah hnuah chuan inelrelna hri a theh darh ta a; tichuan, bawngpate chu an inringhlel tawn a, a mal tê tlein an tla hrang ta thliah thliah a. Chu tak mai chu remchângah lain a mal te tein a keuh thlu ta nghauh nghauh mai asin,' nangni pawh a seh theih nân che u pâwl pâwl tihna rilru leh vêng vêng tihna rilru in zîngah a theh darh ve mêk a nih hi," tiin mittui tla zawih zawihin a sawi a. Setana thangah an lo âwk hman têt a ni tih inhriain simna thinlung pu chungin an tîn ta thliah thliah a.

PCI THURIN CHUNGCHÂNGA INRÂWN KHÂWMNA

March 19 & 20, 2015 khân Presbyterian Church of India (PCI) General Assembly bultumin Tourist Resort Centre, Berawtlangah Thurin chungchânga inrâwn khâwmna (Consultation on Confessions of Faith of PCI) hman a ni a, Synod hrang hrang atangin palai 40 vêt an kal.

A hawna inkhâwm chu Rev. G.S. Lyttan, PCI Administrative Secretary-in a kaihruai a, Rev. Lalzuithanga, Senior Executive Secretary, Mizoram Synod-in Inlawmna thu sawiin Keynote Address a sawi baw.

March ni 19-ah nilêngin thu ziaik zir ho a ni a, chawhma lamah Rev. D.S. Sohket, Sr. Executive Secretary, KJP Synod Sepngi paper buatsaih 'Article No. 1,2,3 & 4' zir ho a ni a, chawhnu lamah Rev. Dr. J.F. Jyrwa paper buatsaih 'Article No. 5,6 & 7' zir ho leh a ni. Zân lam Pathian biak inkhawmah Rev. Dr. J.F. Jyrwa-a'n thu a sawi. March ni 20 chawhmaah Rev. R. Lalthanmawia ziaik, 'Article No. 8,9 & 10' zir ho a ni a, chawhnu lamah an thupui zir atanga rawtna leh khaikhâwmna hun hman a ni.

SYNOD HOSPITAL, DURTLÂNG FEBRUARY, 2015 CHHUNGA THILPÊK DAWNTE

I. CHARITY FUND

1. Hmâwngbu Presbyterian Kohhran	₹ 2,000/-
2. V.T.R Computer Center, Khatla	₹ 1,000/-
3. KTP Branch, Dinthar	₹ 1,000/-
4. Kohhran Pavalai Pâwl, Vaphai Vêngthar	₹ 1,000/-
5. Dâpchhuah Presbyterian Kohhran	₹ 10,000/-
6. Zorinawmi, Zârkawt	₹ 3,000/-
7. Chawngtlai Pastor Bial Kohhran Hmeichhia	₹ 3,000/-
8. Maubâwk Pastor Bial Kohhran Hmeichhia	₹ 10,000/-
9. T/Upa Dr. Solomon Marak, Shillong	₹ 5,000/-
10. Leisenzo Presbyterian Kohhran	₹ 2,000/-
11. KTP, Kâwkuh Pastor Bial	₹ 10,000/-
12. Khawruhlian Vêngthar Kohhran (21.11.2014)	₹ 5,000/-

II. GRACE HOME TAN THILPEK PETE

1. Pu C.Hmingthanzuala te chhûngkua	Syringe pump lei nan ₹ 40,000/-
2. Ramhlun Vêngthlang Kohhran Hmeichhia	Thawmhaw hlui ip 30 ₹ 5,000/-
3. Chawngtlai Bial Kohhran Hmeichhia	₹ 5,000/-

III. THISEN PETE

1. TNAI, Mizoram Branch	13 Units
2. KTP, Tuikual South Branch	33 Units
3. KTP, Búngkâwn Pastor Bial	74 Units
4. KTP, Khatla North Branch	40 Units
5. KTP, Tuikhuahtlâng Branch	46 Units

IV. THILDANG PETUTE

1. Rev. Dr. Lâwmsânga, A.T.C	Physiotherapy Unit tân damlo kawr khaina
2. KTP, Sairâng Bial	Thuthlengsei 10
3. Biate Bial Kohhran Hmeichhia	Hmunphiah 50

Khawngaihna leh duhsakna thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Hêng in thilpêk kan dawnte hian damlo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/- REV. R. RAMDINMAWIA
Chaplain, Synod Hospital, Durtlâng

* December thla chhûnga Synod Hospital thilpêk dawn 'Thisen pe' tihah khân KTP, Chhînga Vêngthlang Branch 37 Units telh tûr a ni a, târ lan hmaih palh a nih thu Synod Hospital hotute hnên atangin kan dawng.

SYNOD REVIVAL SPEAKERS RESIDENTIAL RETREAT

Synod Revival Department chuan March 18-20, 2015 chhûng khân Synod Revival Speaker-te pualin Synod Conference Centre-ah Retreat a buatsaih a, Synod Revival Speaker 64 an kal thei. Retreat hawna inkhâwm chu Rev. Lalzuithanga, Sr Executive Secretary-in a hruai a, Synod Moderator Rev. Lalrinmawian thuchah a sawi. Retreat hawna inkhâwmah hian Synod Revival Committee member 11 lai an kal thei baw.

Retreat neih chhûng hian mi thiamte paper buatsaih hmangin thupui hrang hrang zir ho a ni a, sawihona hun leh zawhna leh chhâna hun pawh hman thîn a ni. Thupui hrang hrang zir dân chu hetiang a ni :

Thupui

- ♦ Kohhran ropuina leh a pawimawhna
- ♦ Mizoram Presbyterian Kohhran kalphung
- ♦ Synod Revival Rawngbâwlna
- ♦ Rawngbâwltu leh Materialism

Sawitu

- Rev. R. Lalêngzauva
- Upa C. Lalmuankima
- Rev. R. Lalnuntluanga
- Rev. Lalzuithanga, Sr. Exe. Secretary

COUNSELLING MAMAWHITE TÂN

Mimal, nupa, fanau, chhûngkua, nulat tlangval, ringtu nun etc.-ah harsatna i neih chuan Family Guidance & Counselling Centre pan thîn la, an lo tanpui ang che. Telephone leh Internet hmang pawhin biakrâwn theih an ni.

Mission Vêng, Aizâwl - (0389) 2324443; Châmari, Aizâwl - (0389) 2306693;
Vaivakâwn, Aizâwl - (0389) 2344324; Champhai - (03831) 234055
Sêrchhîp - (03838) 226128; Kolasib - (03837) 220180; email: synodfgcc@gmail.com

ṬANPUINA SEM

March 19, 2015 a Synod Partnership Committee chuan ṭanpuina sum pêk nise, tiin a rêt a. Ṭanpuina hi tûnah hian pêk chhoh mêt an ni. Ṭanpuina pêk tûrte chu :

1. Cancer Hospital, Zemabâwk	- ₹ 50,000
2. Shalom, Jowai	- ₹ 30,000
3. Partnership Mission, Meghalaya	- ₹ 30,000
4. Ṭawngtai Bethel Camp, Chawnpui	- ₹ 50,000
5. Gan Sabra, Luangmual	- ₹ 10,000
6. Mission Foundation Movement	
Missionary Training atân	- ₹ 30,000
7. Disciple's Society	- ₹ 20,000
8. Varanasi Mission	- ₹ 40,000
9. T.B.Z., Mizoram	- ₹ 50,000
10. Apostolic India Mission	- ₹ 50,000
11. Restoration India Mission, Cuttack	- ₹ 40,000
12. Set Free Ministries (Jail Ministry)	- ₹ 30,000
13. Zoram Evangelical Fellowship	- ₹ 50,000
14. T.N.T., Zungtui	- ₹ 50,000
15. Blind Society, Luangmual	- ₹ 20,000
16. Love Project c/o Grace Home	- ₹ 50,000
Total	- ₹ 6,00,000

CHATUAN CHAWLHNAAH

✝ Synod Office-a Receptionist Pu Reuben F. Zothanpuia (49) S/o Upa F. Zanawla chu Pneumonia avângin March 16, 2015 dâr 12:50 p.m. khân Lalpa hnênah a chawl ta. A awmna Model Vêng, Aizâwlah March ni 17 khân vui a ni. Pu Reuben-a hian July 1, 1994 atangin Synod Electronic Communication Dept. ah a thawk ṭan a, Synfo-ah pawh a lo thawk tawh baw.

✝ Pu Rohmingliana (54) Evangelist, Agartala-a thawk chuan lung lam natna hun eng emaw chen a tuar hnuin, March 22, 2015 dâr 9:45 p.m. khân chatuan ram min pansan ta. Pu Rohmingliana hian SMB hnuaiah January 4, 2002 atangin a thawk ṭan. Vellore atanga rawn phuhr chhoh a ni a, March ni 25 khân an khua Thingdawlah vui a ni.



Dâpchhuah Kohhran chuan ni 24 March-5 April, 2015 chhûng khân Pu Lalsângzuala Ngente, Ebenezer Team Speaker-a hmangin Crusade, tleirâwl leh naupang lêng camp an buatsaih a, hlim tak leh lawmna nasa tak nên he hun hi hmangin taksa chêtina te changin Kohhran hoten an hlâwkpuai hle.

SYNOD HOSPITAL NGENNA LEH HRIATTIRNA

Synod Hospital-a damlo record-te chin fel a, a tûl anga senghawi hna thawh a ngaih avângin kum 1987 May thla hnu lama damlo file (record) kan siam sa kan vawn thin te, mahni in lam leh hmun danga thi eng emaw zât awmin kan hria a. Chutiang mi Synod Hospital pâwn lama thite chu an chhûngten rawn report tûrin kan ngên ngawt mai a ni e. Min lo tanpui theih chuan kan lâwm hle ang.

Sd/- Dr. Vânlalruata

Director, Synod Hospital

Contact : 0389-2361222/ 0389-2361183

JHARKHAND FIELD HARSATNA TAWH

Balia, Jharkhand kuaah bâwng natna hri a lêng a, ringlohote Kristiante hnênah, “Bâwng sa in ei vâng a ni a, bâwng damlo chiu-na tûr leh ran thawina tûrte in pe tûr a ni,” tia vau-in ringtute inah inthâwina tûr pawisa an dîl kual a. Ringtuten an pêk duh loh avângin March 18, 2015 khân khawtlâng rorêlna an ko ta a. Thawktute leh Zoram Kohhrante tanngtaipua azârah ‘ringtute chuan eng mah an pêk a ngai lo ve,’ tiin an inrem a. Inremna thingpuite an in a, tlai dâr 3 vêlah an tîn a. Mahse, kua a tlai tulh tulh a; “Ringtu thenkhatte hnênah an Pradhan (VCP)-in, ‘ringtute chuan tûna sawrkâr ram âwl, mipuiin leilet an siam thin hi an nei thei lo vang,’ a ti,” tih thâwm a awm leh a. An inko khâwm tha leh a, Kristiante an lo thinrim ve tawh bawc nên thu tha eng mah sawi theih a ni ta lo va, an haw darh ta rih a. Inremna tha zâwk a awm theih nân tanngtaipui an ngai hle.

Balia-ah hian ringtu in 30 vêl awmin, ringlo in 10 vêl an awm a, chumi zînga in li pawh chu Baptisma chang mai tûra buatsaih mêk an ni. Mizo missionary leh Kraws sipai hmeichhia ve ve an thawk a ni. An VCP (pradhan) hi ringlo a la ni thung.

KOHRAN HMEICHHE INKHAWMPUI LIAN VAWI 46-NA

Mizoram Presbyterian Kohhran Hmeichhe Inkhawmpui Lian vawi 46-na chu GSA Playground, Mamit-ah March 6 – 8, 2015 chhûng khân Mamit Pastor Bial leh Hmunsâm Pastor Bialte tanng kawpin an thleng. Inkhawmpui Thupui. “*I nunna tûrin tân chhuak rawh*” (Gen 19:17) tih chu Rev. Vanlalzuata’n tum thum a sawi. He Inkhawmpuia hian hriat theih chinah palai inziak lût 8,138 an awm a, inziak lût lemlo pawh an awm nual bawc. Inkhawm tam ber tum, Pathianni zîngah mi 11,150 an inkhawm a ni.

Thurêl tlângpuite

1. Kum 2017 Inkhawmpui Lian chu March 10-12,2017 a neih tûrin Sêrchhîpah nghah a ni a, Sêrchhîp Bial, New Sêrchhîp Bial leh Sêrchhîp Vêngchung Bialten an thleng ang.

2. Kum 2015-2016 Project leh Budget hetiang hian pawm a ni:-

Project	Budget
1. Women Centre	₹ 30,00,000
2. Central Budget	₹ 10,00,000
Total	₹ 40,00,000
3. Inkhawmpui Lian thlengtu tanpuina	₹ 10,00,000
4. Rorêl Inkhawm thlengtu tanpuina	₹ 2,00,000

Inkhawmpui Lian leh Rorêl Inkhawm thlengtu tanpuina tûr hi Synod Finance Committee-ah pawm a nih chuan kum 2016 a tanngin hman tan tûr a ni ang.

3. Thla thar Thawhle zân Tanngtaî rual thupui hman lai mêk chhuzawm zêl bâkah thupui pakhat, “Kan rama ruihhlo zuar leh ruihhlo ngaiten an sim theih nân,” tih belh tûra tih a ni.

4. HIV/AIDS chungchângah Central-in hmalâk dân ngaihtuah rawh se.

5. Human Trafficking chungchângah inzirtîrna ram pum huapin neih ni se.

6. Kohhran Hmeichhe Inkhawm tum khat thawhlâwm lâk khâwm Synod Hospital, Durtlângah Blood Donation Khum lei nân pêk ni se.

7. Mi dangte nêna kan inkârah rilru thianghlim, tanngkam mawi leh hawihhâwm inzirtîrna Central-in buatsaih ni se.

8. Rampum huap tanngtaî tlaivâr neih thin hun en that ni se.

9. Inkhawmpui Lian neihna hmun tûr chungchângah a tûl angin Central Committee-in lo ngaihtuah lâwk thin se.

10. Social Networking hman dân tha inzirtîrna neih ni se.

11. Kum 2015 chhûngin Synod Hospital Charity pualin Thawhle zân inkhawm thawhlâwm vawi hnih lâk khâwm ni se.

12. Kan rama sualna chi hrang hrang leh tual thahna rapthlâk thleng thin a reh theih nân leh sual thupha chawina leh ngaihtuah dîlna ram pum huapin tanngtaî rualna neih ni se.

A tan zân March ni 6-ah palai lawm inkhawmah General Secretary Report leh Bial report khaikhawmte ngaihtlâk a ni a, Rev. Lalrinmawia, Synod Moderator-in “Inthawina nung hlan a tûl” tih thuchah ropui tak a sawi.

March-7, Inrinniah Hmunsâm Kohhran Biak Inah Rorêl inkhawm neih a ni a, rorêl palai 459 leh chhimtu 126 an kal a, kum 2015- 2017 chhûnga hruaitu tûr thlan ngâl a ni. Rorêl hlânin Pandal-ah inkhawm a ni. Pathianni chawhma inkhawm a tanng zân inkhawm thlengin inkhawmpui thupui, “*I nunna tûrin tân chhuak rawh*” tih Rev. Vanlalzuata’n a sawi.

Pathianni chawhma inkhawmah Kristian chhûngkaw intehnaa titha ber NE Khawdungsei Pastor Bial hnênah chawimawina Trophy leh Certificate Rev. Lalramliana Pachuau i/c Kohhran Hmeichhia-in a hlân.

Bial Report Khaikhawmna: Kum 2014 chhûngin Mizoram chhûng leh pâwn, Mizoram Synod hnuai a awm Kristian chhûngkaw intehnaa tel Bial 177 a tanngin Bial 176 in report an theh lût a, hetiang hi dinhmun a ni:-

1. Kohhran zât	:	803
2. Branch Church	:	70
Total	:	873
3. Presbyterian hlang chhûngkaw zât	:	97,672
4. In awmpawlhna chhûngkaw zât	:	4,588
5. Chhûngkua zawng zawng	:	1,02,260
6. Ni tin chhûng inkhawm nei zat	:	60,179
7. Buhfai tham ziah zât	:	58.85 %
	:	99,727
	:	97.52%
8. Hmeichhe member zât	:	1,61,449

Kristian chhûngkaw intehnaah pakhatna - NE Khawdungsei Bial, Pahnihna - Dâwrpui Bial leh pathumna - Tlângnuam Bial te an ni.

Kum 2015-2017 Hruaitu thlan tharte:

Chairman	:	Pi Rinchawii (Synod ruat)
Vice Chairman	:	Pi K. Vanlallawmi
Gen. Secretary	:	Pi H. Lalpianthangi (Synod ruat)
Asst. Secretary	:	Pi Sailûti
Treasurer	:	Pi Maria Lalchhanhimi
Fin. Secretary	:	Pi Râllianthangi

Hêngte bâkah hian khawpui chhûng Bial aiawh Committee Member 38, Co-Ordinator, Ex-Chairman, Synod Moderator, Synod Secretary (Sr) leh Exe. Secretary i/c Kohhran Hmeichhia Central Committee an ni.

A thlengtu Bialten an thleng hnehin an inpêkna a fakawm tak meuh a, pandal 200ft x 170ft zeta lian sain, inkhawmpui atâna sum sênso tûr an ruahman pawh Rs. 28,27,000/- lai a ni.

(Thu lakna: Agape, May 2015)